



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 16. Concordata Papam inter & Cardinales.

[urn:nbn:de:hbz:466:1-66281](https://nbn-resolving.org/urn:nbn:de:hbz:466:1-66281)

trucidandos fore pertimescebant. Tandem vero omnem exuunt metum, dum se a Pontifice admodum benevole haberi conspiciunt, utpote qui ipse tunc de propriæ suæ Personæ securitate non parum sollicitus, nunquam sibi satis tutus videbatur, quamvis valida militum manus ad Ecclesiam euntem comitaretur, & usque ad ipsum Altare conduceret. Vero simile est, quatuor duntaxat præsentibus fuisse Cardinales, scilicet Guidonem Malefinum, Cardinalem tituli S. Crucis, alias dictum Cardinalem Pictaviensem, quod hujus Ecclesiæ Episcopus esset; Nicolaum Prancatium Cardinalem Albensem, Amadæum de Salutiis, sancti Marci Cardinalem, & Petrum Cardinalem S. Angeli. Hisce quatuor Cardinalibus illi, qui Avenione manserant, nomine suo rei gerendæ auctoritatem relinquebant.

Sæcul. XV.
A.C. 1403.

§. XVI.

Concordata Pontificem inter & Cardinales.

Facta hac reconciliatione Papa & Cardinales omnibus adhibitis solemnitatibus mutua inter se inierunt pacta, comprehensis quoque Avenionensis Urbis Civibus atque inquilinis, quorum omnium

Sæcul. XV. **A.C. 1403.** **Marten.** **Anecd. tom 2** **pag. 1266.** **mnium** mediatorem agebat Ludovicus Avenionensis, eaque præsentibus Cardinale Pampilonensi, Jacobo de Prato Imperatoris Ruperti propinquo, nec non Regis Arragoniæ & Ducis Aurelianensis Oratoribus firma rataque habita sunt. Conventionis vero capita erant. I. Papa Cardinalibus & Avenionensibus Civibus generalem offensionum veniam atque oblivionem concedat. II. Cuncta in pristinum, quo ante subtractionem obedientiæ erant, statum restituantur. III. Cardinales, ejusdemque Civitatis incolæ Pontifici obedientiam præstent. IV. Cardinales omnem suam auctoritatem æque ac potestatem impendant, ut Benedicto in Gallis quoque restituatur obedientia, V. tandem, Papa his adimpletis, ex omnibus, qui suæ subsunt obedientiæ, cogat Concilium.

§. XVII.

Duo Cardinales a Papa in Franciam missi.

Juven. Ur- **fn. Hist.** **Carol. VI.** **pag. 153.** **Eodem** tempore Papa in Gallias ablegavit Cardinalem Pictaviensem & Salutianum, qui jam a sexto Mense & amplius denuo adhærebant Pontifici. His datum est negotium, ut obedientiæ restitutionem omnibus viribus procurarent;